

Silat, kendo dan karate di Sentosa

24 OCT 1985

PERTUNJUKAN tiga jenis silat Melayu — Gendang Silat, Tarian Silat dan Kesenian Silat — akan menghiburkan para pengunjung ke Sentosa pada petang Sabtu ini.

Seramai 10 orang pesilat akan menunjukkan kemahiran mereka dengan setiap gerak langkah diiringi oleh Pancutan Air Berirama.

Pertunjukan silat itu ialah satu daripada tiga jenis seni mempertahankan diri yang akan dipersembahkan dalam pertunjukan di Pancutan Air Berirama Sentosa dari 7.45 hingga 9.00 malam. Dua jenis seni yang lain ialah kendo dan karate.

Kelab Kendo Singapura akan mempersembahkan seni mempertahankan diri dari Jepun itu, lengkap dengan iringan muzik tradisional Koto.

Antara lain ia akan mempersembahkan teknik bertanding dengan menggunakan pedang atau dikenali sebagai Iaido dan teknik melawan secara bebas.

Puncak acara persembahan kendo ialah 'serangan' para penonton ke atas ahli-ahli kendo yang mengambil bahagian dalam pertunjukan itu.

Persembahan karate pula akan menunjukkan teknik seni karate, kekuatan memecahkan batu dengan tangan dan tendangan.

Pertunjukan tersebut adalah percuma.

Belia diminta ceburkan dalam seni silat

KUALA TERENGGANU, Sabtu — Ahli Exco Kerajaan Negeri, Datuk Haji Ahmad Sidi Ismail, mahu belia-belia negara ini menceburi bidang seni silat bagi memelihara warisan bangsa.

Penyertaan dari generasi sekarang secara bersejarah-sungguh adalah perlu bagi memperkenalkan seni itu kepada masyarakat antarabangsa, katanya.

Berucap merasmikan penubuhan Persatuan Seni Silat Cawangan Terengganu (Pesilat) di Tepian Gelanggang di sini petang semalam, beliau berkata, negara-negara lain di rantau ini telah memperkenalkan seni mempertahankan diri masing-masing kepada masyarakat negara ini dan sekarang tiba pula giliran Malaysia menonjolkan seni silat kepada mereka.

Datuk Haji Ahmad Sidi juga Pengerusi Jawatankuasa Kebudayaan Belia dan Sukan Negeri.